



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2014. GODINU HRVATSKOG SAVEZA HKDU-HRAST

Broj: 03-07-6-292/15
Sarajevo, 29. mart 2016. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE REVIZIJE	5
5.1 NALAZI	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatskog saveza HKDU-HRAST za 2014. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2014. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2014. godinu, utvrđeno je da je Hrvatski savez HKDU-HRAST prekršio odredbe člana 11. i člana 12. stav (1), stav (2) i stav (3) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

Pregledom, odnosno kontrolom finansijskih izvještaja, osim gornjih napomena nismo zapazili ništa značajno, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatskog saveza HKDU-HRAST za 2014. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2014. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Hrvatski savez HKDU-HRAST se finansirao iz sljedećih izvora¹:

R/B	Izvori finansiranja	Iznos (KM)	Učešće u izvorima finansiranja (%)
1.	Članarina	0,00	0,00%
2.	Prilozi fizičkih lica (3-a)	0,00	0,00%
3.	Prilozi pravnih lica (3-b)	0,00	0,00%
4.	Prihodi od imovine (3-c)	0,00	0,00%
5.	Prihodi od pr.lica (3-d)	0,00	0,00%
6.	Prihodi od poklona (3-e)	450,00	3,24%
7.	Prihodi iz budžeta (3-f)	13.440,00	96,76%
8.	Prihodi od propag. (3-g)	0,00	0,00%
9.	Ostali prihodi	0,00	0,00%
I	Ukupni prihodi (1-9)	13.890,00	100,00%
II	Kreditno zaduženje kod banaka	0,00	0,00%
	Izvori finansiranja (I+II)	13.890,00	100,00%

U godišnjem finansijskom izvještaju stranka je iskazala rashode u ukupnom iznosu od 47.046,00 KM.²

2. PREDSTAVLJANJE POLITIČKE STRANKE

Naziv političke stranke: Hrvatski savez HKDU-HRAST. Skraćeni naziv: HS H-H.

Politička stranka Hrvatski savez HKDU-HRAST upisana je u registar političkih organizacija kod Općinskog suda u Mostaru, rješenjem broj: R/3-14 od 14.04.2014. godine.

Sjedište stranke je u Čitluku, Športska dvorana bb.

Lica ovlaštena za zastupanje stranke su Pero Barbarić, predsjednik i Tomislav Primorac, tajnik.

Lice ovlašteno za podnošenje finansijskih izvještaja za 2014. godinu je Tomislav Primorac.

Prema podacima iz godišnjeg finansijskog izvještaja za 2014. godinu, Hrvatski savez HKDU-HRAST nema niže nivoe organizovanja.

¹ Podaci iz ispravljenog obrasca 3 (izvori finansiranja političke stranke) godišnjeg finansijskog izvještaja za 2014. godinu, koji je dostavljen dana 25.03.2016. godine.

² Podaci iz ispravljenog obrasca 4 (rashodi političke stranke) godišnjeg finansijskog izvještaja za 2014. godinu, koji je dostavljen dana 25.03.2016. godine.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatskog saveza HKDU-HRAST za 2014. godinu i postizborni finansijski izvještaj - Opšti izbori 2014. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Hrvatskog saveza HKDU-HRAST obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja.

4. PRETHODNE KONTROLE I REVIZIJE

Pregled i kontrola finansijskih izvještaja obavlja se prvi put.

5. NALAZI I PREPORUKE REVIZIJE

5.1 NALAZI

a) Stranka je prekršila odredbe člana 11. i člana 12. stav (1) i stav (3) Zakona o finansiranju političkih stranaka.

Pregledom godišnjeg finansijskog izvještaja i dodatne finansijske dokumentacije, utvrđeno je da Hrvatski savez HKDU-HRAST nije popunio obrasce godišnjeg finansijskog izvještaja za 2014. godinu u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik), čime je prekršio odredbe člana 12. stav (3) Zakona o finansiranju političkih stranaka. Stranka u Godišnjem obračunu za 2014. godinu nije pravilno iskazala prihode i rashode, što upućuje da nije vodila poslovne knjige u skladu sa računovodstvenim propisima, što je suprotno odredbama člana 11. i člana 12. stav (1) Zakona o finansiranju političkih stranaka.

- (1) Hrvatski savez HKDU-HRAST je u poslovnim knjigama iskazao prihode iz budžeta, odnosno ukupne prihode u većem iznosu za 10.000,00 KM. Kontrolom izvoda sa transakcijskog računa, utvrđeno je da su stranci iz budžeta Bosne i Hercegovine uplaćena sredstva po osnovu povrata dijela uplaćene takse za ovjeru stranke za učešće na Opštim izborima 2014. godine, što ne predstavlja prihod stranke.
- (2) Uvidom u dodatnu finansijsku dokumentaciju, utvrđeno je da stranka nije u godišnjem finansijskom izvještaju pravilno iskazala pojedinačne troškove po vrstama, odnosno troškove na obrascima 4.1 (režijsko-administrativni i ostali troškovi) i 4.2 (troškovi propagande), čime su prekršene odredbe člana 21, 22. i 23. Pravilnika.
 - Hrvatski savez HKDU-HRAST je u obrascu 4.2 iskazao troškove kampanje u ukupnom iznosu od 26.532,62 KM, što ne odgovara podacima iz poslovnih knjiga. Na osnovu predračuna i narudžbenica koje je stranka dostavila, utvrđeno je da stranka nije u poslovnim knjigama evidentirala troškove kampanje u iznosu od 18.570,83 KM jer joj računi za izvršene usluge nisu dostavljeni tokom izvještajnog perioda, ali je navedene troškove uključila u godišnji finansijski izvještaj.

Takođe, prema podacima iz ponude broj: 054/14 utvrđeno da je dana 29.04.2014. godine stranka uplatila rezervaciju za lokacije u iznosu od 655,20 KM. Uvidom u poslovne knjige i godišnji finansijski izvještaj nije utvrđeno da je stranka navedeno plaćanje evidentirala kao potraživanja za date avanse, niti kao trošak, odnosno nenovčanu donaciju.

- Uvidom u poslovne knjige stranke, utvrđeno je da nisu evidentirani troškovi telefonskih usluga po računu za decembar 2014. godine u iznosu od 193,91 KM. Stranka je i troškove telefonskih usluga u godišnjem finansijskom izvještaju iskazala u manjem iznosu za 193,91 KM.
- Pregledom godišnjeg finansijskog izvještaja utvrđeno je da su u poslovnim knjigama troškovi takse iskazani u većem iznosu u odnosu na ostvarene troškove za 10.000,00 KM. Stranka je u poslovnim knjigama troškove takse iskazala u iznosu od 20.000,00 KM, iako su joj, dana 08.12.2014 godine, vraćena sredstva u iznosu od 10.000,00 KM.

b) Hrvatski savez HKDU-HRAST nije postupio u skladu sa odredbama člana 12. stav (2) Zakona o finansiranju političkih stranaka i člana 15.1 stav (1) Izbornog zakona BiH.

Politička stranka je finansijski izvještaj za period od dana podnošenja prijave za ovjeru za izbore do dana ovjere rezultata izbora (postizborni finansijski izvještaj) podnijela dana 19.12.2014. godine, tj. nakon zakonom utvrđenog roka.

U skladu sa odredbama člana 15.1 stav (1) Izbornog zakona Bosne i Hercegovine i člana 12. stav (2) Zakona o finansiranju političkih stranaka, stranka je imala obavezu da finansijski izvještaj za period od dana podnošenja prijave za ovjeru za izbore do dana ovjere rezultata izbora Centralnoj izbornoj komisiji BiH podnese u roku od trideset dana od dana objave izbornih rezultata u Službenom glasniku BiH, odnosno do 10.12.2014. godine.

Troškovi izborne kampanje

Prema odredbama člana 15.10 Izbornog zakona Bosne i Hercegovine, politička stranka za potrebe izborne kampanje ne smije potrošiti više od 0,30 odnosno 0,20 KM³ po biraču u svakom izbornom krugu, prema broju birača koje je objavila Centralna izborna komisija Bosne i Hercegovine.

Hrvatski savez HKDU-HRAST je prema podacima Centralne izborne komisije Bosne i Hercegovine, u svrhu izborne kampanje mogao da potroši 615.836,40 KM. Stranka je u godišnjem finansijskom izvještaju za 2014. godinu iskazala troškove propagande u iznosu od 26.532,62 KM.

5.2. PREPORUKE

Preporučuje se Hrvatskom savezu HKDU-HRAST da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da poslovne knjige vodi u skladu sa računovodstvenim propisima, odnosno da vodi tačne i potpune evidencije o svojim prihodima i rashodima,***
- ***da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i***

³ Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

- *da finansijske izvještaje podnosi u skladu sa odredbama Zakona o finansiranju političkih stranaka i odredbama člana 15.1 stav (1) Izbornog zakona Bosne i Hercegovine.*

KOMENTAR:

U ostavljenom roku, Hrvatski savez HKDU-HRAST je dostavio korekcije obrazaca godišnjeg finansijskog izvještaja za 2014. godinu, čime je djelimično otklonio nedostatke utvrđene u Preliminarnom izvještaju o pregledu godišnjeg finansijskog izvještaja, što je Služba za reviziju uvažila i u tom dijelu je korigovala nalaze revizije.

Šef Odsjeka za revizijske poslove, revizor

Sanja Tošović

Šef Službe za reviziju

mr.sc Hasida Gušić